



UNIVERSITÄTS-  
BIBLIOTHEK  
PADERBORN

**Pauli Laymanni e Societate Iesu Jus Canonicum  
Commentario Perpetuo Explicatum**

Et Uberi Non Minus Ac Varia Qvam Clara Et Solida Doctrina Illustratum

Commentarius In Librum III. Decretalium

**Laymann, Paul**

**Dilingae, 1698**

Capitulum I. eodem Tituli in sexto. Etsi.

---

[urn:nbn:de:hbz:466:1-62482](https://nbn-resolving.org/urn:nbn:de:hbz:466:1-62482)

uocem præstare potest. *Clement. 2. de rebus  
Ecclesie non alienandis.*

Adverte autem, quod in textu dicitur,  
Prælatum, cui jus conferendi competit, non  
posse beneficium accipere ab alio, id intel-  
ligendum esse de omni alio, qui proprio  
jure conferre non potest; nam si potestatem  
conferendi prælatus alteri deleet, delega-  
tus conferet jure, & auctoritate delegantis,  
& idem deleganti conferre non potest,  
ne eadem persona in proprio facto aucto-  
ritatem sibi præstet, sed à Papa, vel Legato  
à latere, qui in beneficijs conferendis com-  
muni jure concurrunt, eaque proprio jure  
conferunt, beneficium accipere poterit in-  
ferior collator, prout hic *Abbas notat in  
hoc cap.* Ubi etiam rectè respondet ad ob-  
jectionem de Pontifice, qui confessario suo  
dat jurisdictionem exercendam erga ipsum  
Pontificem, quod in isto casu in absolven-  
do non sit merus commissarius Papæ, sed  
potius delegatus, & Vicarius Dei, à quo  
talis absolvendi potestas per Sacerdotalem  
ordinationem data est, ita, ut aliud non  
requiratur ad absolvendum, nisi persona  
subdita. Pontifex igitur voluntariè se  
subjiciens Sacerdoti complet, ac veluti  
actu radicali potestatem ejus, quam in  
ordinatione accepit.

## CAPITULUM I.

eodem Titulo in sexto.

Ecclesie.

## PARAPHRASIS.

Capitulum Sede vacante conferre non po-  
test beneficia, quæ ad Episcopi collatio-  
nem spectant; at verò præsentatos à Pa-  
tronis, si idonei sint, admittere, atque  
instituire potest, tamen si talis admissio,  
& institutio ad Episcopum pertineret, si  
is in vivis esset.

## SUMMARIUM.

1. In collatione beneficiorum non succedit  
Capitulum, Sede vacante, si collatio

talis ad Episcopum pertineat, succe-  
dit tamen in potestate admittendi, &  
constituendi presentatos, & confir-  
mandi electos &c. si hæc talia sint juris-  
dictionis Episcopalis.

2. Ita tamen, ut aliqui distinguant inter  
admissionem, & institutionem.

NOTandum primum. Capitulum, va-  
cante Sede, licet non succedat in pote-  
state conferendi beneficia, quorum collatio  
ad Episcopum pertinet, succedit tamen in  
potestate presentatos admittendi & insti-  
tuendi. Consentit *c. 2. ne Sede vacante &c.*  
Ratio discriminis est, quia collatio benefi-  
cij est gratia, & donatio quædam. *c. ult. de  
officio vicarij in 6.* At verò confirmatio præ-  
sentati, si idoneus reperitur, est necessita-  
tis, & debiti cujusdam. Capitulum autem  
vacante Sede, succedit in ijs, quæ rati-  
one Episcopalis officij expedienda sunt,  
sive in jurisdictione, & administratione  
Episcopali *c. his qui 11. de majoritate. c.  
cum olim 14. eodem tit.* Præterquam quod  
donare, & fructus distrahere non possit *c. si  
quæ de rebus 42. causa 12. q. 2.* Et ita tradit  
*Gl. communiter recepta v. non possit.* & vi-  
deri potest *Garz. p. 5. c. 7. n. 50.* & quæ  
docui in *disp. de jurisdictione ordinariâ q.  
85. de sequentibus.*

Coroll. primum. Per præsentationem  
præsentato jus ad rem acquiritur, si ido-  
neus sit. Ita *Joann. And. & Francus hic n.  
2* quandoquidem institutio in beneficio ipsi  
de jure debita est, ita, ut absque injuriâ,  
seu violatione juris negari non possit.

Coroll. secundum. Capitulum, vacante  
Sede, confirmationem electis dare potest.  
Ita habetur expressè *in cit. c. cum olim de  
majoritate.* Cum enim electus plus juris  
habeat, quàm præsentatus, prout dixi *in c.  
3. extra hoc tit.* idem confirmatio ejus magis  
debita, & necessaria est, quàm præsen-  
tati institutio.

Coroll. tertium. Capitulum, vacante  
Sede, non potest eligere aut præsentare, si  
talis actus ad Episcopum propriè spectet. Ita  
ex communiore *Garz. p. 5. c. 7. n. 52. com-  
muniore*

A a z

222